

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO SANSKI KANTON**  
**GRAD BIHAĆ**  
**GRADONAČELNIK**

Služba za podršku i razvoj uprave

Broj: 02/3-05-2051/18

Bihać, 02.07.2018.god.

Na osnovu člana 69. stav (3). člana 70. Stav 1,4 i 6. Zakona o javnim nabavkama BiH („Službeni glasnik BiH“, 39/14), člana 52. stav 1. tačka c. Statuta Grada Bihaća („Sl. glasnik Grada Bihać“, broj: 13/15), na Preporuku Komisije za javnu nabavku broj 02/3-05-2051/18 od 02.07.2018. godine, Gradonačelnik grada Bihaća, d o n o s i

**ODLUKU**  
**o poništenju postupka javne nabavke**

**I**

Poništava se postupak nabavke roba siguronosnih vatrootpornih ormara za smještaj matičnih knjiga zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

**II**

Ova Odluka objavit će se na web-stranici [www.bihac.org](http://www.bihac.org) istovremeno s upućivanjem odluke ponuđačima koji su učestvovali u postupku javne nabavke, shodno članu 70.stav (6) Zakona o javnim nabavkama.

**III**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**Obrazloženje**

Na osnovu Odluke o pokretanju postupka broj: 02/3-05-2051/18 od 28.06.2018. godine, pokrenut je postupak javne nabavke roba siguronosnih vatrootpornih ormara za smještaj matičnih knjiga, putem konkurentskog zahtjeva. Procjenjena vrijednost nabavke iznosi 8.547,00 KM, bez obračunatog PDV-a.

Obavještenje o nabavci broj: 1034-7-1-95-3-16/18, je objavljeno na Portalu javnih nabavki dana 28.06.2018. godine, zajedno sa objavljivanjem Tenderske dokumentacije.

Ugovorni organ je Tenderskom dokumentacijom predvidio provođenje postupka Konkurentskog zahtjeva sa namjerom provođenja E-aukcije.

Prilikom objavljivanja obavještenja u skladu sa Uputstvom o uslovima i načinu objavljivanja obavještenja i dostavljanja izvještaja u postupcima Javnih nabavki u informacionom sistemu „e-nabavke“ („Službeni glasnik BiH“ broj: 90/14) i Pravilnika o uslovima i načinu korištenja e-aukcije („Službeni glasnik BiH“ broj: 66/16), tehničkom pogreškom u kreiranju Obavještenja o javnoj nabavci nije označena namjera provođenja e-aukcije, što dovodi do tehničke nemogućnosti Ugovornog organa da zakaže istu nakon otvaranja i ocjene ponuda, a što bih ponuđače, odnosno njihove pristigle ponude dovelo u neravnopravan položaj.

Prema navedenom, Komisija za javnu nabavku jednoglasno predlaže Gradonačelniku Grada Bihaća da se postupak javne nabavke roba sigurnosnih vatrootpornih ormara za smještaj matičnih knjiga otkaže, odnosno poništi, u skladu sa članom 69. Stav 3. Zakona o javnim nabavkama BiH („Sl. glasnik BiH“, broj 39/14), te isti ponovi s objavom novog Obavještenja o nabavci sa namjerom provođenja e-aukcije, jer je Ugovornom organu u obavezi da provede istu u skladu sa Pravilnikom o uslovima i načinu korištenja e-aukcije („Službeni glasnik BiH“ broj: 66/16), gdje je članom 10. propisano da za postupke kod kojih se koristi kriterij „najniža cijena“ ugovorni organi su dužni predvidjeti e-aukcije u sistemu e-nabavke za najmanje 50% postupaka javne nabavke u 2018. godini.

Iz navedenih razloga, a primjenom člana 69. stav (3) Zakona o javnim nabavkama, odlučeno je kao u članu 1. ove odluke.

## **POUKA O PRAVNOM LIJEKU**

Protiv ove odluke može se izjaviti žalba najkasnije u roku od 10 (deset) dana od dana prijema od ove odluke.

Gradonačelnik  
Šuhret Fazlić

---

Dostaviti:

1. Služba za opću upravu i mjesnu samoupravu
2. a/a